



## Posebne dopune uslova posudbe elektromotornih invalidskih kolica i pogonske jedinice

### Korištenje i održavanje

- Prema *Priručniku za propisivanje ličnih pomagala* elektromotorna invalidska kolica i pogonska jedinica moraju da se koriste kontinuirano svake sedmice kada uslovi na putevima to dozvoljavaju.
- Za elektromotorna invalidska kolica, učestalost upotrebe mora da bude najmanje 3 puta sedmično, a pogonska jedinica kojom upravlja korisnik najmanje 2 puta sedmično.
- Propisivač koji je propisao pomagalo odgovoran je za praćenje i može tražiti da se elektromotorna invalidska kolica / pogonska jedinica vrate ako se ne koriste u skladu s *Priručnikom za propisivanje ličnih pomagala*, uputstvom za upotrebu ili uputstvima propisivača.
- Slijedite uputstva za korištenje pomagala.
- Pobrinite se da je pritisak vazduha u gumama tačan.
- Održavajte elektromotorna invalidska kolica / pogonsku jedinicu čistim.
- Pobrinite se da pomagala budu čista.
- Baterije i punjači:
  - punite baterije čak i kada se kolica ne koriste neko vrijeme, pogledajte uputstva za upotrebu.
  - elektromotorna invalidska kolica / pogonska jedinica se mogu puniti kad se ne koriste, ali se u slučaju grmljavine punjač mora isključiti, inače postoji rizik da se punjač ošteti.
  - ako je punjač isključen iz zidne utičnice, ali je priključen na elektromotorna invalidska kolica / pogonsku jedinicu, baterije se prazne. Zato se punjač mora izvaditi i iz utičnice i iz elektromotornih invalidskih kolica / pogonske jedinice kad se ne puni.
  - ako bateriju treba zamijeniti zbog nepravilnog ili neadekvatnog punjenja, možete biti dužni da to nadoknadite.
  - punjenje se mora raditi na suhom, provjetrenom prostoru u kom temperatura nije niža od +5°C.
- Sva dodatna oprema i postavke osim onih koje je proizvođač naveo mogu uticati na sigurnost elektromotornih invalidskih kolica / pogonske jedinice. Dodatna oprema ili pribor se ne smiju montirati bez dozvole propisivača i Centra za pomagala.

### Čuvanje

- Čuvanje mora biti na suhom, provjetrenom prostoru u kom temperatura nije niža od +5°C
- Čuvanje se mora odvijati tako da neovlaštena lica nemaju pristup elektromotornim invalidskim kolicima / pogonskoj jedinici. Ako se elektromotorna invalidska kolica / pogonska jedinica čuvaju u prostoru kojem pristup ima više lica (na primjer spremište

za bicikle ili dječja kolica u stambenim zgradama), elektromotorna invalidska kolica / pogonska jedinica moraju biti zaključani i po mogućnosti privezani dodatnom sajлом ili lancem za zaključavanje. Obratite se svom osiguravajućem društvu kako biste saznali uslove za sigurno skladištenje. Ako je potrebno da se elektromotorna invalidska kolica / pogonska jedinica privremeno parkiraju napolju, moraju se staviti na mjesto zaštićeno od kiše i snijega.

### Saobraćaj

- Kada vozite elektromotorna invalidska kolica / pogonsku jedinicu, dužni ste da se pridržavate važećih saobraćajnih pravila.
- Ne smijete voziti elektromotorna invalidska kolica / pogonsku jedinicu pod dejstvom alkohola, droga ili lijekova koji utiču na vašu sposobnost rasuđivanja.
- Kada vozite svoja elektromotorna invalidska kolica / pogonsku jedinicu napolju brže od brzine hodanja (oko 5-6 km na sat), za vas važe saobraćajna pravila za bicikliste. Elektromotorna invalidska kolica / pogonska jedinica tada moraju da budu opremljeni kao bicikl i morate da vozite biciklističkom stazom ako ona postoji.
- Po mraku, elektromotorna invalidska kolica / pogonska jedinica moraju da imaju osvjetljenje i reflekske.
- Ako vozite elektromotorna invalidska kolica / pogonsku jedinicu brzinom manjom od oko 5-6 km na sat, smatrate se pješakom.
- Ako druga osoba ošteti vaše elektromotorna invalidska kolica / pogonsku jedinicu, n. pr. sudari se sa njima, zabilježite ime i prezime osobe i uzmite kontaktne podatke. Obratite se svom propisivaču i osiguravajućem društvu. U većini slučajeva potrebno je da se uradi policijska prijava.

### Popravke i održavanje

- Popravke i tehničko održavanje smiju samo da rade tehničari Centra za pomagala.
- Ako elektromotorna invalidska kolica / pogonska jedinica prestanu da rade van kuće, moraju se odvesti na sigurno mjesto za čuvanje. Nikada ne smijete da vučete elektromotorna invalidska kolica / pogonsku jedinicu drugim vozilom jer to može da uzrokuje požar. Ako ne možete sami da organizujete transport, možete angažovati kurirsku kompaniju ili šlep službu. Sami plaćate troškove transporta.

### Osiguranje

- Elektromotorna invalidska kolica i pogonske jedinice su pomoćna sredstva podložna krađi. Ako se pomagalo ošteti ili izgubi, možete biti dužni da ga nadoknadite.
- Pregledajte svoje osiguranje. Podatak o vrijednosti elektromotornih invalidskih kolica / pogonske jedinice možete pronaći u ugovoru o posudbi ili kod propisivača

### U kombinaciji s adaptacijom automobila

Ako je adaptacija automobila u kombinaciji s vašim elektromotornim invalidskim kolicima relevantna, morate da kontaktirate svog propisivača prije nego što adaptacija počne. To je tako da bi propisivač mogao da kontaktira Centar za pomagala radi zajedničke analize rizika.